

## Kaliedu Sienis

Vēina onksti Kaliedu rīta ēsētaisiu krasie, ēsējungiau televizuori ē veizo pilmokus aple Kaliedu Sieni.

Tik gērdo – mona pečiou kažkas krebžd. Nostērau ēš laimēs – vēina karta ē monēm aplonkē Kaliedu Sienis. Negaliejau patikietē sava ausēmis. Sostingau ē lauko, kas būs tuoliau. Prabiega dešimt... pēnkiuolēka mēnotu – pečiou kažkas krebžd, bet nieks tēp ē napasēruoda. Pamēslējau – most Kaliedu Sienis ēstrēga mona pečiou, vo rast persēgalvuojē?.. Rēk kou nuors darītē.

Čiopau lazda, ožsēkabaruojau ont stuoga ē ēmetiau tou lazda ē kamēna. Tik kažkas „ai ai ai“ sošoka... Kap apsēdžiaugiau – tebier!.. Jau dabā tēkrā niekor nebdings – turies ēšlīstē.

Parbiegau i truoba, ēkrētau i krasē, ēsēvēipiau ē lauko. Tik veizo – ēšlend... vēsos soudēns... mona buočios. Vo ronkuo – ne duovēnas, vo mona lazda. Atmēniau – jug vakar užsēkēša kamēns...

Sopratau, ka viel ni duovanū maiša, ni Kaliedu Senē nebūs.